

AKADEMIA TEATRALE 2023

Thirrje për pranim

STRUKTURA

Teatri Kombëtar i Operës, Baletit dhe Ansamblit Popullor (TKOBAP) hap Thirrjen për Masterclass bashkëpunues, nën udhëheqjen e sopranos ikonike shqiptare, Ermonela Jaho, në kuadër të programit profesional muzikor, “Akademia Teatrale”, i sjellë për herë të parë në Shqipëri, në prill të 2023-shit.

Një projekt i iniciuar në kuadër të promovimit, zhvillimit dhe perfeksionimit të teknikës në disiplinën lirike. I ndërtuar mbi bazën e përvojave më të suksesshme ndërkombëtare, me në fokus të rinjtë shqiptarë e të huaj dhe fuqizimin e potencialit të tyre, në skenën e TKOBAP-së dhe përtej saj.

Studentët e Akademisë do të trajnohen rreth interpretimit skenik, teknikës vokale, trajnimeve specifike të stilit dhe interpretimit të “Bel Cantos” italiane. Kjo e fundit e përfaqësuar denjësisht nga sopranoja ikonike me famë ndërkombëtare të dekadave të fundit, Ermonela Jaho.

Nëpërmjet kësaj strukture ndërveprimi mes artistësh profesionistë siç është Akademia Teatrale, të rinjve do t’u krijohet mundësia të bëhen pjesë e masterclass-ve, nën kujdesin e veçantë dhe mjeshtëror të figurave artistike prestigjioze, si dhe të marrin mësim individualë nga mësues dhe artistë të njohur ndërkombëtarë.

Çdo kandidati fitues do t’i jepet mundësia që të marrë njohuri të reja artistike, të cilat do t’i pasurojnë eksperiencën individuale artistike. Ndërkaq, pjesë e stafit të Akademisë do të jenë pedagogë, koreografë, ballet-maestro, dirigjentë të shquar e shumë figura profesioniste të artit të muzikës, operës e baletit.

Masterclass-i do të zhvillohet PA PAGESË në bazën e nevoja artistike që ka TKOBAP-ja për Sezonin Artistik 2023 dhe mbi disiplinim e muzikës së dhomës nga repertori gjerman. Kjo me qëllim njohjen dhe përvetësimin teknik nga të rinjtë e talentuar, si në drejtim të muzikës operistike, po ashtu edhe të muzikës së dhomës.

QËLLIMI

- Akademia Teatrale, si një platformë profesionale, ju jep mundësinë pjesëmarrësve të punësohen në një model aktual, të qëndrueshëm e të vazhdueshëm, me standarde të larta ndërkombëtare.
- Kjo akademi do të rikthejë në vendin tonë, një brez të ri artistësh, të barasvlershëm me investimin e bërë në edukimin e tyre.

- Mbi të gjitha, artistët e rinj do mund të pasurojnë repertorin artistik të veprave që nuk i kanë debutuar përgjatë viteve akademike apo përgjatë eksperiencës së tyre artistike.
- Pjesëmarrësit do të kenë mundësinë të studiojnë me disa nga figurat më të suksesshme të muzikës, duke iu siguruar një rritje të garantuar të performancës së tyre artistike.
- Në fund të kësaj eksperiencë, të rinjtë do të kenë mundësinë të pajisen me një portofol profesional, të mbushur me përvoja të vyera mjeshtërore, me të cilat do mund të konkurrojnë me bashkëmoshatarët e tyre evropianë, si dhe me ata përtej oqeanit.

KALENDARI

- **Aplikimi do të qëndroje i hapur deri më 25 shtator.**
- Përzgjedhja e kandidatëve potencial nga Komisioni i Vlerësimit do të bëhet 26 shtator deri më 1 tetor.
- Përzgjedhja e pjesëmarrësve sipas kategorive do të njoftohet me email deri më 30 shtator.

LËNDËT STUDIMORE

- Arti dhe teknika e vokalizmit të shek.. XVII
- Arti, teknika, interpretimi dhe parimet themelore të Bel Canto
- Studimi i partiturës
- Historia dhe praktika interpretuese e operës
- Teknika vokale
- Fiziologjia e instrumentit vokal
- Fjalor lirik
- Elemente të analizës së vargjeve në lidhje me dramaturgjinë
- Teknika e aktoriale dhe punëtoria e aktrimit
- Gjuha e trupit, qëndrimi dhe vokaliteti
- Trajnimi psikologjik i muzikantit
- Masterklasa e interpretimit
- Masterclass në interpretimin e Lideve
- Masterclass: Kultura e profesionit të këngëtarit të operës
- Masterclass: Training Career

Regjistrimi sipas kategorive:

Regjistrim efektiv, ku kandidatët fitues do të jenë përfitues të masterclass -it

Pjesëmarrje për dëgjim, ku kandidatët do të kenë mundësinë ta ndjekin masterclass-in vetëm si dëgjues.

FORMA E APLIKIMIT

- Aplikimi bëhet në formatin online, në email-in zyrtar: sekretaria@tkob.gov.al
- Jetëshkrimin (CV) e tij/ saj të përditësuar dhe formularin e aplikimit (të cilën e gjeni në mbyllje të këtij dokumenti)
- Të dërgojë kopje të diplomës apo diplomave me kualifikime muzikore.
- Një video ku kandidati performon 1 arie complete (me we transfer) të stileve të ndryshme
- Materialet në pdf me të cilin do të punojë

Kini në vëmendje se:

- TKOB nuk mban asnjë përgjegjësi për ndonjë problem teknik dhe/ose kompjuterik që pengon dorëzimin e saktë të formularit të aplikimit të dërguar nga kandidatët.
- Përgjigja e pranimit ose jo, në Akademinë Teatrale do të komunikohet me email nga dorëzimi i formularit të regjistrimit bashkë me videon.
- Pas përfundimit të masterclass-it, artistët do të pajisen me një certifikatë vlerësimi për kursin e përfunduar.

FORMULAR APLIKIMI

Emër Mbiemër	
Datëlindja	
Gjinia:	
Adresa:	
Nr. Celulari:	
Email:	
Titulli i aries me të cilët do punojnë në PDF dhe stili:	
Pjesëmarrës/ Dëgjues	

Unë i/e nënshkruari/a,, pranoj të gjitha kushtet e parashikuara nga Akademia Teatrale, organizuar nga Teatri Kombëtar i Operës, Baletit dhe Ansambilit Popullor dhe paraqes aplikimin tim për t'u vlerësuar.

Data

Emër mbiemër

Nënshkrimi